



Broj: A-III-2/24-IV
Sarajevo, 14.02.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. stav (2) tačka a) Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „**Nabavka računarske opreme specijalne namjene za potrebe Kantonalnog tužilaštva Kantona Sarajevo**“, date u Zapisniku broj: A-III-2/24–III od 13.02.2024. godine, Glavna kantonalna tužiteljica donosi:

ODLUKU

o izboru najpovoljnijeg ponuđača i dodjeli ugovora za nabavku računarske opreme specijalne namjene za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o nabavci roba – računarske opreme specijalne namjene za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“IMEL” d.o.o. Lukavac, Skendera Kulenovića b.b., 75300 Lukavac,** a prema ponudi broj: E-04.05.02-11141/24 od 30.01.2024. godine, s ukupnom cijenom **16.000,00 KM bez PDV-a, odnosno 18.720,00 KM sa PDV-om,** kao jedina prihvatljiva i pravilna ponuda.

II


Ugovor o javnoj nabavci dostavit će se na potpis izabranom ponuđaču **“IMEL” d.o.o. Lukavac,** će se dostaviti najpovoljnijem ponuđaču odmah, s obzirom da su ispunjeni uslovi iz člana 98. stav (2) tačka a) ZJN, a ponuđač je uz svoju ponudu dostavio dokumente iz člana 45. ZJN, te nije potrebno da ih naknadno dostavlja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.



Obrazloženje


Na osnovu Odluke o pokretanju postupka javne nabavke broj: A-III-2/24 od 11.01.2024. godine pokrenut je postupak javne nabavke roba: „**Nabavka računarske opreme specijalne namjene za potrebe Kantonalnog tužilaštva Kantona Sarajevo**“, procijenjene vrijednosti 16.000,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-7-3-4/24 od 12.01.2024. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio ponuđač „PRINTEX“ d.o.o. Sarajevo, dana 15.01.2024. u 14:14 i isto odnosilo na dokument tj certifikat koji potvrđuje da je ponuđena roba u skladu sa NATO standardom (Tempest SDIP-27/2 Level A, u kojem tvrde da se isti izdaje nakon što se roba proizvede, te su tražili da taj zahtjev izmijenimo i da taj dokument zahtijevamo pri isporuci robe.

Ugovorni organ je sljedećeg dana, odnosno 16.01.2024. godine, u skladu sa članom 56. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14 i 59/22), u zakonskom roku dao sljedeće pojašnjenje: U tački 8.4.2. tenderske dokumentacije tačka c) je traženo da ponuđači dostave: "Certifikat (potvrdu) proizvođača ili ovlaštenog laboratorija koji provodi testiranje za svaki dio ponuđene opreme, kojom se potvrđuje da je ponuđena oprema u skladu sa NATO standardom ((NATO TEMPEST SDIP-27/2 Level A), odnosno da je u skladu sa NATO standardima kada je u pitanju zaštita od kompromitirajućeg elektromagnetnog zračenja, te da je oprema u skladu sa EU standardima, sa stanovišta zaštite od kompromitirajućeg elektromagnetnog zračenja – original ili obična kopija." Formulacija ovog zahtjeva u tenderskoj dokumentaciji Vam dopušta da ukoliko proizvođač ne daje certifikat prije isporuke robe, da dostavite POTVRDU, ODNOSNO IZJAVU PROIZVOĐAČA, kojom se potvrđuje da je ponuđena oprema (svaki dio ponuđene opreme) u skladu sa NATO standardom ((NATO TEMPEST SDIP-27/2 Level A), odnosno da je u skladu sa NATO standardima kada je u pitanju zaštita od kompromitirajućeg elektromagnetnog zračenja, te da je oprema u skladu sa EU standardima, sa stanovišta zaštite od kompromitirajućeg elektromagnetnog zračenja. Ovaj certifikat ili potvrdu proizvođača dostavlja ponuđač u sastavu svoje ponude, kojom garantuje da je ponuđena oprema u skladu sa NATO standardom NATO TEMPEST SDIP-27/2 Level A, odnosno da je u skladu sa NATO standardima kada je u pitanju zaštita od kompromitirajućeg elektromagnetnog zračenja, te da je oprema u skladu sa EU standardima, sa stanovišta zaštite od kompromitirajućeg elektromagnetnog zračenja, a sve kako bismo prije potpisivanja ugovora sa najpovoljnijim ponuđačem bili sigurni da ćemo dobiti upravo opremu koju tražimo. Smatramo da ovakvu potvrdu, odnosno izjavu možete dobiti od proizvođača i na taj način ispuniti uslove zahtijevane tenderskom dokumentacijom.

Zahtjev za pojašnjenjem ponude ponovo upućuje ponuđač "PRINTEX" d.o.o. Sarajevo dana 19.01.2024. godine, u kojem traže da razmotrimo budžet za ovu nabavku, jer nije ni približno dovoljan za nabavku ove opreme.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Ugovorni organ je istog dana, odnosno 19.01.2024. godine, u skladu sa članom 56. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14 i 59/22), u zakonskom roku dao sljedeće pojašnjenje: Procijenjena vrijednost je određena na osnovu prethodne provjere na tržištu, u kojoj smo dobili ponude od tri ponuđača iz Bosne i Hercegovine i veća je u odnosu na ponude koje smo dobili. Iz tog razloga nismo u mogućnosti povećavati budžet za ovu vrstu nabavke.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

U skladu sa članom 11. Pravilnika o uslovima i načinu korištenja e-aukcije (Službeni glasnik BiH broj: 66/16 i 80/23), u postupku dodjele Ugovora, ugovorni organ nije predvidio provođenje E-aukcije.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu: Komisija) je dana 05.02.2024. godine u 11:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da je u predmetnom postupku blagovremeno zaprimljena 1 (jedna) ponuda. Javnom otvaranju ponuda nije bilo prisutnog predstavnika ponuđača. Zapisnik sa otvaranja ponuda dostavljen je jedinom ponuđaču koji je učestvovao u postupku javne nabavke u zakonskom roku, u skladu sa članom 63. stav 6. Zakona o javnim nabavkama.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-2/24-III od 13.02.2024. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno je pristigla jedna (1) ponuda i to ponuda ponuđača: **"IMEL" d.o.o. Lukavac**.

Komisija je konstatovala da je dostavljena ponuda ponuđača: "IMEL" d.o.o. Lukavac prihvatljiva prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponuđena vrijednost ponude odgovaraju planiranim, odnosno osiguranim sredstvima. Komisija je takođe izvršila provjeru računске ispravnosti prihvatljive ponude po tački 10.5. tenderske dokumentacije i ustanovila da ista nema računskih grešaka.

U skladu sa tačkom 8.4.2. b) tenderske dokumentacije Komisija je izvršila uvid u ponude u pogledu zadovoljavanja **tehničkih uslova za predmete nabavke**, zahtijevanih u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka. Pregledom ponude, Komisija konstatuje da je ponuđač „IMEL“ d.o.o. Lukavac za stavku 1. Računar Obrasca za cijenu ponude na stranici 27. i 48. ponude ponudio tip hard drive-a SSD: 2TB. Kako bi Komisija otklonila nejasnoće da li ponuđena komponenta hard drive-a odgovara traženim karakteristikama, dana 07.02.2024. godine uputila je zahtjev za pojašnjenje ponude putem e-maila, u kojem traži da se pojasni i precizira ponuđeni tip hard drive-a u roku od tri (3) dana od dana upućivanja zahtjeva za pojašnjenjem ponude.



Bosna i Hercegovina
Federacija Bosne i Hercegovine
Kantonarno tužilaštvo
Kantona Sarajevo

Ponudač „IMEL“ d.o.o. Lukavac je u zakonskom roku dana 09.02.2024. godine dostavio svoje pojašnjenje, koje je sastavni dio Zapisnika o pregledu i ocjeni ponuda, broj: A-III-2/24-III od 13.02.2024. godine.

Komisija je nastavila sa radom 13.02.2024. godine u 16:30 sati i na sastanku je prihvatila pojašnjenje ponuđača „IMEL“ d.o.o. Lukavac i konstatuje da je ponuda ponuđača **“IMEL” d.o.o. Lukavac pravilna** i da je ponuđena roba u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijene ponude nisu izuzetno niske (neprirodno niske).

Komisija je pristupila vrednovanju jedine prihvatljive ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku roba: „**Nabavka računarske opreme specijalne namjene za potrebe Kantonalnog tužilaštva Kantona Sarajevo**“, JRJN: 30230000-0 **Kompjuterska oprema**., prema tehničkoj specifikaciji, sljedeća:

R.B.	Naziv ponuđača	Vrijednost ponude bez PDV-a
1.	“IMEL” d.o.o. Lukavac; <u>Skendera Kulenovića b.b., 75300 Lukavac; broj ponude E-04.05.02-11141/24</u>	16.000,00 KM

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača **“IMEL” d.o.o. Lukavac, Skendera Kulenovića b.b., 75300 Lukavac**, s ponudnom cijenom **16.000,00KM bez PDV-a, odnosno 18.720,00 KM sa PDV-om.**

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA

Sabina Sarajlija



Dostavljeno:

- Ponuđaču „IMEL” d.o.o. Luukavac,
- Komisija,
- U spis.